

Lo 29 de genièr de 2011

Cristian CHAUMONT, *Roges nivolasses* (IEO Edicions, "Crimis" n^o 191), pp. 21-2

La bòria bastida sus un puèg al mièg de las pradas, èra pas luènh, coma pro d'autres bòrias del país, d'una cassanhòla, que la copa anuala e viranta ne balhava la lenha per se calfar. (35 mots)

(Aicí s'arrèstan los pichons.)

Degun vegèt pas la siloeta amagada a la rasa del bòsc darrèr un arbre, agachant l'espectacle de l'encendi e se tustant las cuèissas d'un aire content. Los pompièrs ara rotlavan los tudèls. (67 mots)

(Aicí s'arrèstan los collegials.)

Albèrt Tòrt e dos gendarmas espedidavan los escombres a la cèrca d'indicis. Sobte, darrèr un montairòl de daquòsses cremats, aturèron.

«Avètz vist, Capmèstre ? Una bonbona de gas!»

Lo capitani dels pompièrs la butèt de la punta de l'artelh gròs. Rotlèt obesissenta e voida. (111 mots)

(Aicí s'arrèstan los liceans.)

«Medamne ! diguèt al brigadièr dels gendarmas, lo robinet es dubèrt.

– Vaquí un encendi que me pareis un fuòc criminal, respondèt l'autre degaunhant los gendarmas del temps vièlh.

– Mas es pas possible, pas possible ! repetiguèt lo Fonhenc, sortissent de son esterlucada, mas qual filh de puta me pòt mal voler atal?

– Aquò, l'enquista o establirà ! Çaquela, ja quicòm me sembla pas brica clar : perquè laissar d'indicis atal... L'autre còp lo jerrican, aqueste còp una bonbona!» (193 mots)